

■ Ardanza: «2.000. urtean izango da eztabaida»

JOSE ANTONIO ARDANZA lehendakari ohiak adierazi du Euskal Herriak egin behar duen eztabaida garrantzitsua 2.000. urtean izango dela. Ardanza Catalunya Radio irratian izan zen, eta Jose Maria Aznar Espainiako gobernuburuari zuzenduz, esan zuen euskaldunok legimititatea dugula geroa erabakitzeke. «Legimititatea dugu demokratikoki zer nahi dugun erabakitzeke eta hirugarren batzuekin zein harremanak nahi ditugun argitzeke», adierazi zuen. Planteamentu hori erabat demokratikoa dela nabarmendu zuen Ardanzak. «Hori ez da nazionalismo gehiago, askatasun eta demokrazia gehiago baizik».

■ PPri buruz esandakoak zuzentzeko eskatu dio PPK EAJri

JOSEP PIQUE Espainiako Gobernuaren bozeramaileak Javier Atutxak Gernikan egin zituen adierazpenak zuzen ditzala eskatu dio EAJri. Atutxa EAJko kideak esan zuen Gernika bonbardatu zutenen «oinordeko» dela PP. «Espero dut Atutxak zuzentzea, Villarrek egin duen bezala», esan zuen atzo Piquek. Iñaki Anasagasti diputatu jeltzaleak, bestalde, hainbat galdera egin dizkio Jaime Mayor Barne ministroari hark Gernikara egindako bidaiari buruz. EAJko kideak dio Mayorrek ez zituela Ertzaintzaren aholkuak aintzat hartu, eta horregatik sortu zirela istiluak.

■ Pili Aranburu aske, kartzelan 12 urte egin ostean

PILAR ARANBURU euskal presoak Martuteneko espetxea utzi zuen ostegun goizean. AABek jakitera eman dutenez, Aranburuk aske egon behar zuen 1995. urtean, orduan bete zituelako zigorraren hiru laurdenak. Aranburu 1987. urtean atxilotu zuen Poliziak. Zazpi egunez inkomunikaturik egon eta gero Entzutegi Nazionalaren aurrera eraman zuten eta epaileak Carabanchelgo espetxean sartzeko agindua eman zuen. Aranburuk torturak salatu zituen. Datorren larunbatean, 29an, ongi etorria egingo diote Amara Berrin. Ekitaldia 19:30etan izango da Ferrerías enparantzan.

■ Lau preso ohiri ongi etorriak egingo dizkiete asteburuan

ASTEBURUAN zehar zenbait ongi etorri izango dira Euskal Herriko hainbat tokitan. Portugaleten Karlos Zirianori egingo diote ongi etorria gaur arratsaldeko 19:00etan. Bilboko Alde Zaharrean, berriz, ordubete beranduago hasiko da Juan Alfredo Zapiraini egingo dioten omenaldia. Bihar, berriz, Baiona Ttipiko festen barnean Baiona Errepresioaren Kontra taldeak presoan aldeko egunaren barruan Arantxa Sasian eta Panpi Erramundegi berriki askatutako presoak omenduko ditu 13:00etan. Azkenik, Zeberion Ziortza Reka-ketxeari ostegunean egin zioten ongietorria.

■ Presoen aldeko ekintzak Bilbon eta Azkoitian

JUAN ANTONIO OLAGORTA euskal preso bilbotarraren aldeko plataformak mobilizazioak antolatu ditu Bilbon biharko, maiatzaren 23rako. Plataformak ekitaldi honekin Olagortaren askatasuna aldarrikatu nahi du. Izan ere, euskal presoak zigorraren hiru laurdenak beteak ditu, 1995. urtean hain zuzen ere. Plataformak jada 1.500 atxikimendu baino gehiago jaso ditu San Inazio auzoan, Olagorta bertakoa baita. Azkoitian, bestalde, gaur eta bihar mobilizazioak izango dira euskal presoak Euskal Herriratzeko xedearekin. Herriko zenbait taldek osatu dute plataforma eta jai eguna antolatu dute.

■ Ibarretxek agerraldia egingo du astelehenean prozesuaz mintzatzeke

JUAN JOSE IBARRETXE EAEko lehendakariak agerraldia egingo du astelehenean prozesuaz hitz egiteko. Alderdi politikoetako ordezkariekin eginiko bileren inguruan mintzatu-ko da lehendakaria, haiekin eginiko bigarren elkarrizketa txanda amaitu berri baitu. Aurrerantzean alderdiekiko harremanak nola gauzatu dituen azalduko du Ibarretxek asteleheneko agerraldian.

Mondragon eta Gomez presoan kanporatzea atzeratu egin da


Apelazio Auzitegiak ekainaren 4an jakinaraziko du sententzia

Efe / Paris

Pilar Mondragon eta Garbiñe Gomez euskal presoak atzo Frantziatik kanporatzeko arriskuan baziren ere, kanporatze hori ez zen gauzatu Parisko Apelazio Auzitegiak haiei buruz atzo eman behar zuen sententzia ekainaren 4a arte atzeratu baitu. Arriskuak, hala ere, jarraitzen du epaia berretsiz gero, Mondragonek eta Gomezek jada beteta baitute Frantziako Justiziak jarritak zigorra.

PARISKO Apelazio Auzitegiak ekainaren 4a arte atzeratu du ETako kide izateaz eta erakunde armatuari laguntza emateaz akusatuta zeuden 14 lagunenguz inguruko erabakia. Horien artean dira, Pilar Mondragon, Garbiñe Gomez, Felix Alberto Lopez de la Calle, Jesus Mari Altabe eta Txema Olabarrieta 1994ko azaroan atxilotuak. Auzi horren inguruko epaia 1998ko apirilean jakin zen, baina Auzitegi Korrekzionaleko fiskalak errekurritu egin zuen, eta errekurtsio auzia martxoan abiatu zen.

Fiskalak Felix Alberto Lopez de la Calle eta Jesus Maria Altaberen zigorrak handitzeko eskatu zuen, eta Pilar Mondragon, Garbiñe



Senideek eta AABek kanporatzei buruz aste honetan egin agerraldia.

Gomez eta Txema Olabarrieta berresteko. Olabarrietari sei urteko zigorra jarri zioten eta Mondragon eta Gomez bost urtekoa. Apelazio Auzitegiak zigorra berretsiz gero, Mondragonek eta Gomezek betea dute Frantziako Justiziak jarri zigorra, eta atzoko jarria zuten aske uzteko eguna. Horrelako kasuetan sarri gertatu ohi den bezala, bi preso horiek kanporatzeko arriskuan daude horrenbestez. Txema Olabarrieta ere egoera berean da, eta haren kanporatzea ere epe laburrean gerta daitekeela azaldu zuten aste hone-

tan bertan Senideek eta AABek.

Hain zuzen, kanpora ez dezaten eskatzeko Pilar Mondragonek gose greba abiatu zuen duela 24 egun eta jada 12 kilo baino gehiago galdu ditu.

Bestetik, Serafin Blanco preso ere epe laburrean Frantziatik kanpora dezaketela salatu zuten aste honetan Senideek eta AABek. Atzo jakin ahal izan zenez, Madrilgo Entzutegi Nazionalako Fiskaltzak tramiteak hasteko eskatu du Serafin Blancoren estradizio prozesua bideratzeko.

EAJko buruak 20 herrialdeetako ordezkariekin mintzatu dira prozesuaz

■ *Europako eta Ameriketako zenbait diplomatiko Sabin Etxean izan ziren atzo*

Bilbo / Europa Press

EUROPAKO eta Ameriketako zenbait herrialdeetako ordezkari diplomatikoak atzo Bilbon izan ziren atzo, Sabin Etxean. Xabier Arzalluz EAJko presidentea, Joseba Egi-bar EAJko bozeramailea eta Iñaki Anasagasti diputatuarekin batzartu ziren aipatu

ordezkariak EAJren egoitza nagusian, Euskal Herrian abiatutako prozesuaz informazioa jaso eta hitz egiteko.

Aipatu bileran gutxienez 20 ordezkari diplomatiko izan ziren, Europako eta Ameriketako beste hainbeste herrialdeetatik iritsitakoak. Haiek guztiak, joan den irailan ETak su-etena aldarri-

katu zuenetik Euskal Herrian abiatu den prozesuaren nondik norakoak jakin nahi zituzten zuzenean, Europa Press agentziak azaldu zuenez. Honenbestez elkarrekin egin zuten denboran EAJko buruzagiei gaiari buruz jakin nahi zuten guztia galdetzeko aukera izan zuten gonbidatuek.

Ordezkariei diplomatikoekin eginiko bazkari solasaldiak bi ordu baino gehiago iraun zuen. Bertan izan ziren ordezkarien artean ondoko herrialdeetako enbaxadakoak zeuden besteak beste: Panama, Canada, Venezuela, Polonia, Eslovenia eta Frantzia.